

MEMORANDWM CYDSYNIAD DEDDFWRIAETHOL

Bil yr Undeb Ewropeaidd (Cytundeb Ymadael)

1. Gosodir y Memorandwm Cydsyniad Deddfwriaethol hwn o dan Reol Sefydlog ("RhS") 29.2. Mae RhS29 yn rhagnodi bod rhaid gosod Memorandwm Cydsyniad Deddfwriaethol, ac y ceir cyflwyno Cynnig Cydsyniad Deddfwriaethol, gerbron Cynulliad Cenedlaethol Cymru os yw Bil Seneddol y DU yn gwneud darpariaeth mewn perthynas â Chymru at ddiben sydd o fewn cymhwysedd deddfwriaethol y Cynulliad Cenedlaethol, neu sy'n addasu'r cymhwysedd hwnnw.
2. Cyflwynwyd Bil yr Undeb Ewropeaidd (Cytundeb Ymadael) (y "Bil") yn Nhŷ'r Cyffredin ddydd Llun 21 Hydref 2019. Mae'r Bil i'w weld yn: <https://publications.parliament.uk/pa/bills/cbill/2019-2020/0007/20007.pdf>

Amcan Polisi

3. Yr amcan polisi sydd wedi'i ddatgan gan Lywodraeth y DU yw galluogi'r DU i ymadael â'r Undeb Ewropeaidd mewn modd trefnus, gyda chyfnod gweithredu i alluogi trefniadau newydd i gael eu sefydlu.

Crynodeb o'r Bil

4. Noddir y Bil gan yr Adran dros Ymadael â'r Undeb Ewropeaidd.
5. Mae'r Bil yn darparu ar gyfer rhoi'r cytundeb ymadael ar waith trwy ei ymgorffori yng nghyfraith y DU a darparu pwerau ar gyfer ei roi ar waith ymhellach yn ôl yr angen. Bydd y Bil hefyd yn rhoi'r cytundebau gwahanu a wnaed â Gwladwriaethau'r Ardal Economaidd Ewropeaidd a'r Ardal Masnach Rydd Ewropeaidd (EEA EFTA) a'r Swistir ar waith mewn ffordd debyg. Mae'n gwneud darpariaeth ar gyfer hawliau dinasyddion ar ôl ymadael â'r UE, ac yn sefydlu Awdurdod Monitro Annibynnol ar gyfer yr hawliau hynny. Mae'r Bil yn gwneud darpariaeth i Weinidogion y Goron a Gweinidogion mewn Gweinyddiaethau Datganoledig gael y pwerau angenrheidiol i roi'r cytundeb ymadael ar waith ac ar gyfer pontio i unrhyw drefniadau yn y dyfodol.
6. Y cymalau sydd â pherthnasedd arbennig i faterion o fewn cymhwysedd deddfwriaethol y Cynulliad yw:
 - Rhan 1 – Cyfnod Gweithredu;
 - Rhan 2 – Rhoi'r cytundeb ymadael ar waith etc. cyffredinol;
 - Rhan 3 – cymalau 12-14, 16-17 ac Atodlen 1 (gweithredu Rhan 2 o'r cytundeb ymadael sy'n ymwneud â Hawliau Dinasyddion lle bo cymhwysiad datganoledig) a chymal 15 ac Atodlen 2 (yn ymwneud â'r Awdurdod Monitro Annibynnol);
 - Rhan 4 – cymalau 18-19 (materion gwahanu eraill), cymalau 21-22 (Gogledd Iwerddon), cymalau 25-28 (y berthynas ag EUWA a'r

pŵer i godi ffioedd ategol), a chymal 29 (adolygu deddfwriaeth yr UE yn ystod y cyfnod gweithredu)

- Rhan 5 – cymalau 37-39, Atodlenni 5 a 6 (darpariaethau cyffredinol a therfynol).

Darpariaethau yn y Bil y mae angen cydsyniad ar eu cyfer

Mae'r Bil yn rhoi nifer o bwerau i Weinidogion Cymru wneud is-ddeddfwriaeth. Nodir y darpariaethau perthnasol, a gweithdrefnau'r Cynulliad, yn Atodiad 1.

Byddai angen cydsyniad y Cynulliad ar gyfer y darpariaethau canlynol:

Rhan 1 – Cyfnod Gweithredu

Cymalau 1 a 2 - cyfraith wedi'i harbed ar gyfer y cyfnod gweithredu

7. Mae'r cymalau newydd hyn yn mewnosod adrannau 1A a 1B newydd yn Neddf yr UE (Ymadael) 2018 (EUWA) ac yn arbed Deddf y Cymunedau Ewropeaidd 1972 (ECA) at ddibenion y cyfnod gweithredu pan fydd y rhan fwyaf o gyfraith yr UE yn dal yn gymwys. Mae hefyd yn darparu i glosau deongliadol fod yn gymwys i ddeddfwriaeth ddomestig sy'n deillio o'r UE, fel y diffinnir gan yr adran 1B newydd. Mae'n darparu hefyd y gall Gweinidog y Goron wneud addasiadau ychwanegol fel y bo'n briodol at ddiben Rhan 4 o'r Cytundeb Ymadael.
8. Byddai angen cydsyniad ar gyfer y cymalau hyn gan eu bod yn addasu cymhwysedd deddfwriaethol Cynulliad Cenedlaethol Cymru trwy barhau â'r gofyniad i gydymffurfio â chyfraith yr UE. Wrth arbed Deddf y Cymunedau Ewropeaidd er mwyn iddi barhau i fod yn gymwys yn y DU bydd hyn yn effeithio ar gymhwysedd deddfwriaethol y Cynulliad gan y bydd y cyfyngiadau wrth gydymffurfio â chyfraith yr UE yn dal yn gymwys, a bydd y pwerau sy'n dychwelyd i'r Cynulliad o ganlyniad i ymadael yn gyfyngedig unwaith eto. Felly byddai ar gymal 1 angen cydsyniad y Cynulliad gan ei fod yn addasu cymhwysedd deddfwriaethol y Cynulliad.
9. Daw'r mwyafrif o'r cymalau hyn yn ddeddfiadau gwarchodedig (gweler paragraff 32 o Atodlen 6 i'r Bil). Bydd unrhyw ddeddfiadau gwarchodedig yn y dyfodol felly'n newid y cyfyngiadau ar gymhwysedd deddfwriaethol y Cynulliad yn rhinwedd ehangu cwrmpas y deddfiad gwarchodedig. Bydd hyn yn wir p'un a fydd cynnwys yr addasiad hwnnw'n dod o fewn meysydd datganoledig neu beidio gan y bydd y ffaith bod darpariaeth yn cael ei chategoreiddio fel deddfiad gwarchodedig yn atal y Cynulliad rhag gwneud darpariaeth ganlyniadol hyd yn oed yn y dyfodol. Cyflwynir y cymalau hyn i'r Cynulliad eu hystyried ar gyfer cydsyniad gan y byddant yn addasu cymhwysedd deddfwriaethol y Cynulliad ymhellach mewn ffordd wahanol i'r hyn a esboniwyd yn y paragraff blaenorol.

Cymalau 3 a 4 - Pwerau atodol

10. Mae cymal 3 yn mewnosod adran 8A yn EUWA, sy'n darparu ar gyfer pwerau atodol mewn cysylltiad â'r cyfnod gweithredu. Mae adran 8A yn rhoi pŵer i Weinidog y Goron wneud darpariaeth sydd, ymhlith pethau eraill, yn briodol ym marn y Gweinidog at ddibenion Rhan 4 o'r Cytundeb Ymadael, neu fel arall mewn cysylltiad â'r Rhan honno. Gwneir pŵer cyfatebol i Weinidogion Cymru wneud darpariaeth mewn meysydd o gymhwysedd datganoledig¹ yng nghymal 4 sy'n mewnosod Rhan 1A yn Atodlen 2 i EUWA.
11. Mae'r pwerau yn y cymalau hyn yn eang a gellid eu defnyddio i wneud darpariaethau o fewn meysydd datganoledig sy'n rhoi'r cytundeb ymadael ar waith. Ar y sail hon, byddai angen cydsyniad y Cynulliad ar gyfer y darpariaethau hyn.

Rhan 2 – Rhoi gweddill y cytundeb ymadael ar waith etc: Cyffredinol

Cymalau 5 a 6 - gweithrediad cyffredinol gweddill y cytundeb ymadael a gweithrediad cyffredinol cytundebau EEA EFTA a'r Swistir

12. Mae cymal 5 yn mewnosod adran 7A yn EUWA. Mae adran 7A yn rhoi effaith i erthygl 4 o'r Cytundeb Ymadael sy'n darparu i'r Cytundeb Ymadael gynhyrchu'r un effeithiau cyfreithiol â'r rhai y maent yn eu cynhyrchu yn yr Undeb a'i Aelod-wladwriaethau, gan gynnwys, er enghraifft, effaith uniongyrchol. Mae cymal 6 yn mewnosod adran 7B yn EUWA, i sicrhau'r un effaith ar gyfer y cytundebau gwahanu ag EEA EFTA a'r Swistir.
13. Daw'r cymalau hyn yn ddeddfiadau gwarchoddedig. Felly, byddai angen cydsyniad y Cynulliad ar y sail y bydd y cymalau hyn yn addasu cymhwysedd deddfwriaethol y Cynulliad yn rhinwedd dod yn ddeddfiadau gwarchoddedig.

Rhan 3 – Hawliau Dinasyddion

Mae Cymalau 12 i 14 a 16-17 ac Atodlen 1 - Cydnabod cymwysterau proffesiynol, cydgysylltu systemau nawdd cymdeithasol a pheidio â gwahaniaethu, triniaeth gyfartal a hawliau gweithwyr etc. a phwerau awdurdodau datganoledig o dan adrannau 12, 13 a 14.

14. Mae Rhan 3 o'r Bil yn gwneud darpariaeth mewn perthynas â'r rhan o'r Cytundeb Ymadael sy'n ymwneud â Hawliau Dinasyddion. Mae cymalau 12 i 14 yn ymwneud ag agweddau ar y Cytundeb Ymadael a allai ei gwneud yn ofynnol gwneud darpariaeth ddomestig i roi'r rhwymedigaethau ar waith yn effeithiol, a chan fod y meysydd hyn yn croestorri â meysydd o fewn cymhwysedd datganoledig y Cynulliad, mae pwerau wedi'u rhoi i'r

¹ Mae ystyr 'cymhwysedd datganoledig' at ddiben y pŵer hwn hefyd yn cael ei darparu o fewn y cymal.

awdurdodau datganoledig i wneud darpariaeth o fewn meysydd cymhwysedd datganoledig².

15. Mae cymal 12 yn darparu y gall awdurdod priodol wneud rheoliadau at ddibenion gweithredu pennod 3 o Deitl II o Ran 2 o'r Cytundeb Ymadael sy'n ymwneud â chymwysterau proffesiynol. Mae "awdurdod priodol" yn cynnwys Gweinidogion Cymru wrth weithredu o fewn cymhwysedd datganoledig.
16. Mae cymal 13 yn darparu y gall awdurdod priodol wneud rheoliadau at ddibenion gweithredu teitl III o Ran 2 o'r Cytundeb Ymadael sy'n ymwneud â chydgyssylltu systemau nawdd cymdeithasol. Mae hyn yn cynnwys mesurau yn ymwneud â gofal iechyd cyfatebol, sydd wedi ei ddatganoli. Mae "awdurdod priodol" yn cynnwys Gweinidogion Cymru wrth weithredu o fewn cymhwysedd datganoledig.
17. Mae cymal 14 yn darparu y gall awdurdod priodol wneud rheoliadau at ddibenion rhoi rhai o ddarpariaethau'r Cytundeb Ymadael sy'n ymwneud â pheidio â gwahaniaethu, triniaeth gyfartal a hawliau gweithwyr etc ar waith. Mae "awdurdod priodol" yn cynnwys Gweinidogion Cymru wrth weithredu o fewn cymhwysedd datganoledig.
18. Mae Atodlen 1 yn cynnwys manylion sut y gall yr Awdurdodau Datganoledig arfer y pwerau hyn. Mae'n nodi pryd y gall Gweinidogion Cymru weithredu'n annibynnol, pryd y mae arnynt angen cydsyniad Gweinidog y Goron cyn gwneud rheoliadau, a phryd y mae rhaid arfer y pwerau i wneud rheoliadau ar y cyd neu drwy ymgynghori. Seilir y gofynion hyn ar gymhwysedd deddfwriaethol y Cynulliad Cenedlaethol a hefyd bwerau gweithredol presennol eraill Gweinidogion Cymru. Mae Atodlen 1 hefyd yn gorfodi'r un gofynion ar gyfer arfer pwerau gwneud rheoliadau ag sy'n gymwys lle y gallai Gweinidogion Cymru wneud yr un ddarpariaeth o dan ddeddfau eraill.
19. Rhaid i reoliadau a wneir gan Weinidogion Cymru sy'n cael eu gwneud o dan y darpariaethau hyn sy'n diwygio, yn diddymu neu'n dirymu deddfwriaeth sylfaenol neu gyfraith gadwedig y DU sy'n gymwys yn uniongyrchol gael eu gwneud trwy'r weithdrefn gadarnhaol. Rhaid i unrhyw reoliadau eraill a wneir o dan yr adran hon gael eu gwneud trwy'r weithdrefn negyddol.
20. Mae'r cymal hwn yn rhoi pŵer i Weinidogion Cymru wneud rheoliadau yn ymwneud â gweithredu Rhan 2 o'r Cytundeb Ymadael ar Hawliau Dinasyddion lle bo'r gweithredu'n croestorri â meysydd lle y mae cymhwysedd wedi ei ddatganoli fel y nodir uchod.
21. Byddai angen cydsyniad y Cynulliad ar gyfer cymalau 12 i 14 gan ei bod o fewn cymhwysedd deddfwriaethol y Cynulliad i wneud darpariaeth sy'n rhoi'r Cytundeb Ymadael ar waith mewn meysydd datganoledig.

² Darperir ystyr 'cymhwysedd datganoledig' at ddiben y pwerau hyn yn Atodlen 1 i'r Bil.

22. Mae cymal 16 yn gwneud darpariaethau atodol mewn perthynas â rhai pwerau i wneud rheoliadau yn Rhan 2 gan gynnwys cymal 14. Mae cymal 17 yn cynnwys y diffiniadau sy'n ymwneud â Rhan 3 o'r Bil, defnyddir un o'r diffiniadau yng nghymal 14. Fel y nodir uchod, byddai cymal 14 o fewn cymhwysedd deddfwriaethol y Cynulliad ac felly byddai angen cydsyniad y Cynulliad ar gyfer yr agwedd honno ar y darpariaethau hyn.

Cymal 15 ac Atodlen 2 – Awdurdod Monitro Annibynnol ar gyfer y Cytundebau Hawliau Dinasyddion

23. Mae cymal 15 yn sefydlu'r Awdurdod Monitro Annibynnol (IMA) a fydd yn monitro gweithredu a gorfodi Rhan 2 o'r Cytundeb Ymadael sy'n ymwneud â hawliau dinasyddion. Mae Atodlen 2 yn nodi cyfansoddiad yr IMA a'i swyddogaethau. Fel yr adlewyrchir yng nghymalau 12 i 14, a drafodir uchod, bydd rhan o weithredu'r agwedd ar y Cytundeb Ymadael sy'n ymwneud â hawliau dinasyddion yn dod o fewn cymhwysedd deddfwriaethol y Cynulliad. Mae o fewn cymhwysedd deddfwriaethol y Cynulliad i wneud darpariaeth a fyddai'n monitro gweithredu a gorfodi'r agweddau hynny ar y Cytundeb Ymadael yng Nghymru.

24. Byddai angen cydsyniad y Cynulliad ar y sail bod y darpariaethau hyn o fewn cymhwysedd deddfwriaethol y Cynulliad.

Rhan 4 – Meysydd pwnc eraill

Cymalau 18 a 19 - Prif bŵer mewn cysylltiad â materion gwahanu eraill a phŵer cyfatebol yn ymwneud ag awdurdodau datganoledig

25. Mae cymal 18 yn mewnosod adran 8B yn EUWA sy'n darparu pŵer i Weinidog y Goron wneud darpariaeth sy'n briodol ym marn y Gweinidog i weithredu Rhan 3 o'r Cytundeb Ymadael (y darpariaethau gwahanu), neu ddarpariaeth sy'n atodi effaith adran 7a (effaith uniongyrchol y Cytundeb Ymadael) mewn perthynas â'r Rhan honno, neu fel arall at ddibenion ymdrin â materion sy'n deillio o'r Rhan honno, neu sy'n gysylltiedig â hi.

26. Mae cymal 19 yn mewnosod Rhan 1B yn Atodlen 2 yn EUWA i wneud darpariaeth gyfatebol ar gyfer y gweinyddiaethau datganoledig.

27. Mae materion a gynhwysir yn Rhan 3 o'r Cytundeb Ymadael yn eang, ond yn cynnwys materion sy'n ymwneud â chaffael a fyddai'n dod o fewn cymhwysedd deddfwriaethol y Cynulliad, ac mae'n bosibl y gallai fod angen gwneud darpariaeth mewn meysydd cymhwysedd datganoledig er mwyn i'r materion eraill gael eu gweithredu yn effeithiol³. Yn sicr, cydnabyddir y gallai gweithredu Rhan 3 ddigwydd mewn meysydd o fewn cymhwysedd deddfwriaethol y Cynulliad a dyna paham y gwneir darpariaeth benodol yng nghymal 19 i roi pŵer cyfatebol i Weinidogion Cymru.

³ Fel y diffinnir yn y cymal.

28. Byddai angen cydsyniad y Cynulliad ar y sail bod y darpariaethau hyn o fewn deddfwriaethol cymhwysedd deddfwriaethol y Cynulliad.

Gogledd Iwerddon

Cymalau 21 a 22 - Prif bŵer mewn cysylltiad â Phrotocol Iwerddon/Gogledd Iwerddon a phŵer cyfatebol yn ymwneud ag awdurdodau datganoledig.

29. Mae cymal 21 yn mewnosod adran 8C yn EUWA i roi pŵer i Weinidog y Goron wneud rheoliadau i roi'r protocol ar Iwerddon/Gogledd Iwerddon ar waith ac i wneud darpariaeth atodol yn ôl yr angen. Rhoddir pwerau cyfatebol i'r awdurdodau datganoledig weithredu mewn meysydd datganoledig gan gymal 22 sy'n mewnosod Rhan 1C yn Atodlen 2 i EUWA.

30. Byddai angen cydsyniad y Cynulliad ar y sail bod y darpariaethau hyn o fewn deddfwriaethol cymhwysedd deddfwriaethol y Cynulliad.

Cymalau 25 i 27 – Y berthynas ag EUWA

31. Mae cymal 25 yn gohirio cyfraith gan yr UE sydd wedi'i harbed o'r diwrnod ymadael i ddiwedd y cyfnod gweithredu. Mae'n gwneud hyn trwy ddiwygio testun adrannau 2, 3, 4 a 5 o EUWA ac yn gwneud darpariaeth ychwanegol trwy fewnosod adran 5A newydd yn EUWA sy'n darparu ar gyfer arbedion ac ymgorffori cyfraith gan y DU sydd wedi'i harbed. Mae atodlen 1 o EUWA yn cael ei diwygio hefyd i ohirio gweithrediad y ddarpariaeth arbed tan ddiwedd y cyfnod gweithredu.

32. Mae Cymal 26 yn diwygio adran 6 o EUWA (dehongli cyfraith yr UE a gedwir) i ddisodli diwrnod ymadael ar gyfer diwrnod cwblhau'r cyfnod gweithredu (IP), hy diwedd y cyfnod gweithredu. Mae adran 7C newydd yn cael ei mewnosod yn EUWA i wneud darpariaeth mewn perthynas â dehongli cyfraith berthnasol ar y cytundeb gwahanu.

33. Mae cymal 27 yn diwygio adran 8 o EUWA i gymryd y cyfnod gweithredu i ystyriaeth ac i estyn y pŵer er mwyn ei ddefnyddio mewn perthynas â Rhan 4 o'r Cytundeb Ymadael (y cyfnod gweithredu). Mae hefyd yn gwneud diwygiadau i EUWA fel y bydd cyfeiriadau at y diwrnod ymadael bellach yn cyfeirio at ddiwrnod cwblhau IP. Bydd y newidiadau hyn i adran 8 o EUWA yn berthnasol hefyd i bŵer Gweinidogion Cymru i gywiro diffygion ym mharagraff 1 o Atodlen 2 i EUWA.

34. Daw'r cymalau hyn yn ddeddfiadau gwarchodedig.

35. Byddai angen cydsyniad y Cynulliad ar y sail bod y darpariaethau hyn yn addasu cymhwysedd deddfwriaethol y Cynulliad yn rhinwedd dod yn ddeddfiadau gwarchodedig.

Cymal 28 - Pwerau i godi ffioedd ategol

36. Mae Cymal 28 yn diwygio cwmpas y pwerau i godi ffioedd yn Atodlen 4 i EUWA i gynnwys, lle bo'n briodol, y pwerau newydd y darperir ar eu cyfer yn y Bil.
37. Daw'r cymal hwn yn ddeddfiad gwarchodedig
38. Byddai angen cydsyniad y Cynulliad ar y sail bod y ddarpariaeth hon yn addasu cymhwysedd deddfwriaethol y Cynulliad yn rhinwedd dod yn ddeddfiad gwarchodedig.

Cymal 29 - adolygu deddfwriaeth yr UE yn ystod y cyfnod gweithredu

39. Mae'r cymal hwn yn mewnosod adran 13A yn EUWA. Mae'n gymwys yn ystod y cyfnod gweithredu ac yn darparu rôl ar gyfer y Pwyllgor Dethol Craffu Ewropeaidd mewn perthynas â deddfwriaeth yr UE sy'n cael ei mabwysiadu gan yr UE yn ystod y cyfnod gweithredu ac sydd felly'n gymwys i'r UE ac o'i mewn.
40. Gallai'r Pwyllgor ystyried deddfwriaeth yr EU sy'n ymwneud â materion pwnc o fewn cymhwysedd deddfwriaethol y Cynulliad ac felly, byddai angen cydsyniad y Cynulliad.

Rhan 5 – Darpariaeth Gyffredinol a Therfynol

Cymal 37 – Dehongli

41. Mae'r cymalau hyn yn gwneud darpariaeth ynghylch dehongli'r Bil.
42. Byddai angen cydsyniad y Cynulliad ar y sail bod y darpariaethau hyn o fewn cymhwysedd deddfwriaethol y Cynulliad.

Cymal 38 ac Atodlen 5 – Rheoliadau

43. Mae Cymal 38 ac Atodlen 5 yn gwneud darpariaeth ynghylch y pwerau yn y Bil i wneud rheoliadau.
44. Byddai angen cydsyniad y Cynulliad ar y sail bod y darpariaethau hyn o fewn cymhwysedd deddfwriaethol y Cynulliad.

Cymal 39 ac Atodlen 6 – Darpariaethau Canlyniadol

45. Mae Cymal 39 yn gwneud darpariaeth mewn perthynas â diwygiadau canlyniadol ac yn cyflwyno Atodlen 6 sy'n gwneud darpariaethau canlyniadol. Mae paragraff 1 o Atodlen 6 yn gwneud darpariaeth a fydd yn gohirio rhai Offerynnau Statudol (OSau) a wneir mewn perthynas â'r diwrnod ymadael tan ddiwedd y cyfnod gweithredu. Mae hyn yn cynnwys pŵer i awdurdod priodol bennu OSau eraill y gallai fod angen eu gohirio,

neu i eithrio unrhyw OSau y mae angen iddynt ddod i rym ar y diwrnod ymadael. Mae awdurdod priodol yn cynnwys Gweinidogion Cymru.

46. Mae angen cydsyniad ar gyfer y darpariaethau hyn gan eu bod yn dod o fewn cymhwysedd deddfwriaethol Cynulliad.

Y rhesymau dros wneud y darpariaethau hyn ar gyfer Cymru yn y Bil Cytundeb Ymadael

47. Mae Llywodraeth Cymru'n cytuno bod angen deddfwriaeth i gynnig eglurder a sicrwydd i ddinasyddion a busnesau wrth inni ymadael â'r UE. Mae Llywodraeth Cymru yn cytuno hefyd mai Senedd y DU, yn ddefnyddiol, a ddylai wneud y deddfwriaeth honno, a hynny ar ran y DU gyfan, gan mai hyn fyddai'n cynnig y mesur gorau o gysondeb a sicrwydd i ddinasyddion a busnesau.

48. O ran sylwedd, rydym yn croesawu'r ffaith y byddai'r Bil yn darparu'r cyfnod pontio y mae ei ddirfawr angen, ac rydym yn cytuno â'r dull gweithredu yn y Bil drafft o gynnal y status quo yn gyffredinol o ran cymhwyso cyfraith yr UE yn y DU yn ystod y cyfnod pontio. Rydym hefyd yn croesawu'r ffaith bod y Bil yn darparu sicrwydd sylweddol i ddinasyddion yr UE sydd wedi dewis ymgartrefu yn y DU ac rydym yn credu bod y darpariaethau ar y setliad ariannol yn adlewyrchu ymrwymiad priodol y DU i gyflawni ei rhwymedigaethau. Rydym wedi cynnal trafodaethau dwys gyda Llywodraeth y DU dros rôl y sefydliadau datganoledig o ran yr Awdurdod Monitro Annibynnol.

49. Er hynny, rydym hefyd wedi dweud yn glir nad oes modd i ni gymeradwyo'r 'cytundeb' ymadael cyffredinol fel y mae Llywodraeth y DU yn ei argymhell gan nad yw'r Datganiad Gwleidyddol cysylltiedig yn rhoi digon o sicrwydd y bydd y berthynas yn y dyfodol gyda'r UE yn bartneriaeth agos iawn, fel yr amlinellwyd yn ein Papur Gwyn, *Diogelu Dyfodol Cymru*. Mae'r safbwynt hwn wedi'i gymeradwyo'n gyson gan y Cynulliad Cenedlaethol.

50. Nid yw'r Cytundeb Ymadael yn rhoi diwedd ar y posibilrwydd o Ymadael Heb Gytundeb. Os na chytunir ar unrhyw berthynas yn y dyfodol mae posibilrwydd o hyd y byddwn yn ymadael heb gytundeb ar ddiwedd y Cyfnod Gweithredu.

51. Ni chafodd y gweinyddiaethau datganoledig y cyfle i ystyried na chyfrannu naill ai at y Cytundeb Ymadael na'r Datganiad Gwleidyddol, ac ni fuom yn rhan ychwaith o'r gwaith i ddatblygu'r cymalau i roi'r agenda ddiwygiedig ar waith.

52. Am y rhesymau hyn, ni allwn argymhell bod y Cynulliad Cenedlaethol yn rhoi ei gydsyniad i'r Bil fel y mae wedi'i gyflwyno ar hyn o bryd.

Goblygiadau ariannol

53. Er nad oes unrhyw oblygiadau ariannol uniongyrchol i Lywodraeth Cymru na'r Cynulliad yn deillio o'r pwerau o dan y Bil, bydd goblygiadau ariannol sylweddol i Gymru yn sgil ymadael â'r UE, a hynny yn ei effaith economaidd gyffredinol ac mewn meysydd ariannu sy'n deillio o'r UE, fel y nodir yn Diogelu Dyfodol Cymru.

Casgliad

54. Mae Llywodraeth Cymru o'r farn ei bod yn briodol ymdrin â'r darpariaethau hyn yn y Bil DU hwn gan y bydd hyn yn cynnig y mesur gorau o gysondeb a sicrwydd i ddinasyddion a busnesau ledled Cymru. Er hynny, ni all Llywodraeth Cymru argymhell bod y Cynulliad Cenedlaethol yn rhoi cydsyniad i'r Bil hwn fel y mae wedi'i gyflwyno ar hyn o bryd.

Mark Drakeford AC
Y Prif Weinidog
23 Hydref 2019

ATODIAD

MEMORANDWM CYDSYNIAD DEDDFWRIAETHOL: BIL YR UNDEB EWROPEAIDD (YMADAEL) – DARPARIAETHAU SY'N CYNWYS PWERAU I WEINIDOGION CYMRU WNEUD IS-DEDDFWRIAETH

Darpariaeth	Disgrifiad o'r Pŵer	Y Weithdrefn Ddeddfwriaethol
Mae Pwerau Cymal 4 sy'n cyfateb i adran 3 mewn perthynas ag awdurdodau datganoledig yn mewnosod Rhan 1A newydd yn Atodlen 2 i Ddeddf yr Undeb Ewropeaidd (Ymadael) 2018 (EUWA).	<p>Yn darparu pŵer i Weinidogion Cymru wneud darpariaeth atodol mewn perthynas â'r cyfnod gweithredu.</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron.</p>	<p>Pan fydd Gweinidogion Cymru yn gweithredu ar eu pennau eu hunain, bydd OS sy'n cynnwys rheoliadau sy'n diwygio, diddymu neu ddirymu:</p> <ul style="list-style-type: none">a) deddfwriaeth sylfaenol, neub) brif ddeddfwriaeth uniongyrchol yr UE a ddargedwir, yn destun y weithdrefn gadarnhaol. <p>Bydd unrhyw reoliadau eraill a wneir o dan Ran 1A o Atodlen 2 i EUWA gan Weinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 8B ac 8C o Ran 1A o Atodlen 7 i EUWA fel y'i mewnosodwyd gan baragraff 53 o Atodlen 6 i WAB.</p>
Cymal 12(1)	Gall Gweinidogion Cymru drwy	Pan fydd

<p>Cydnabod cymwysterau proffesiynol</p>	<p>reoliadau wneud darpariaeth fel yr ystyriant sy'n briodol ar gyfer gweithredu Pennod 3 o Deitl II o Ran 2 o'r cytundeb ymadael (cymwysterau proffesiynol).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 12 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 12(2) Cydnabod cymwysterau proffesiynol (cytundeb gwahanu EEA EFTA)</p>	<p>Gall Gweinidogion Cymru drwy reoliadau wneud darpariaeth fel yr ystyriant sy'n briodol ar gyfer gweithredu Pennod 3 o Deitl II o Ran 2 o Gytundeb gwahanu EEA EFTA (cymwysterau proffesiynol).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a</p>

	<p>ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 12 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 12(3) Cydnabod cymwysterau proffesiynol (Cytundeb ar hawliau dinasyddion y Swistir)</p>	<p>Gall Gweinidogion Cymru drwy reoliadau wneud darpariaeth fel yr ystyriant sy'n briodol ar gyfer gweithredu darpariaethau cymwysterau proffesiynol y cytundeb ar hawliau dinasyddion y Swistir.</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 12 lle y mae Gweinidogion Cymru yn gweithredu ar eu pennau eu</p>

		<p>hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 13(1) Cydlynu systemau nawdd cymdeithasol</p>	<p>Gall Gweinidogion Cymru drwy reoliadau wneud darpariaeth fel yr ystyriant sy'n briodol ar gyfer gweithredu Teitl III o Ran 2 o'r cytundeb ymadael (cydlynu systemau nawdd cymdeithasol).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 13 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>

<p>Cymal 13(2) Cyflynu systemau nawdd cymdeithasol (cytundeb gwahanu EEA EFTA)</p>	<p>Gall Gweinidogion Cymru drwy reoliadau wneud darpariaeth fel yr ystyriant sy'n briodol ar gyfer gweithredu Teitl III o Ran 2 o gytundeb gwahanu EEA EFTA (cyflynu systemau nawdd cymdeithasol).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 13 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 13(3) Cyflynu systemau nawdd cymdeithasol (cytundeb ar hawliau dinasyddion y Swistir)</p>	<p>Gall Gweinidogion Cymru drwy reoliadau wneud darpariaeth fel yr ystyriant sy'n briodol ar gyfer gweithredu darpariaethau cyflynu nawdd cymdeithasol y cytundeb ar hawliau dinasyddion y Swistir.</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p>

	<p>ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron.</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 13 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 14(1) Peidio â gwahaniaethu, triniaeth gyfartal a hawliau gweithwyr etc.</p>	<p>Gall Gweinidogion Cymru drwy reoliadau wneud y cyfryw ddarpariaeth ag yr ystyriant sy'n briodol at y diben o weithredu unrhyw un o'r darpariaethau a ganlyn o'r cytundeb ymadael:</p> <p>(a) Erthygl 12 (gwahardd gwahaniaethu ar sail cenedligrwydd);</p> <p>(b) Erthygl 23 (yr hawl i driniaeth gyfartal);</p> <p>(c) Erthyglau 24(1) a 25(1) (hawliau gweithwyr a'r hunangyflogedig);</p> <p>(c) Erthyglau 24(3) a 25(3) (hawliau gweithwyr y ffin cyflogedig neu hunangyflogedig) mewn perthynas â'r hawliau sydd gan weithwyr.</p> <p>Gall Gweinidogion Cymru</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 14 lle y mae Gweinidogion</p>

	<p>weithredu ar eu pennau eu hunain os yw'r ddarpariaeth yn ymwneud â maes sydd wedi'i ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Cymal 14(2) Peidio â gwahaniaethu, triniaeth gyfartal a hawliau gweithwyr etc. (cytundeb gwahanu EEA EFTA)</p>	<p>Gall Gweinidogion Cymru drwy reoliadau wneud y cyfryw ddarpariaeth ag yr ystyriant sy'n briodol at y diben o weithredu unrhyw un o'r darpariaethau a ganlyn o gytundeb gwahanu EEA EFTA—</p> <p>(a) Erthygl 11 (gwahardd gwahaniaethu ar sail cenedligrwydd);</p> <p>(b) Erthygl 22 (yr hawl i driniaeth gyfartal);</p> <p>(c) Erthyglau 23(1) a 24(1) (hawliau gweithwyr a'r hunangyflogedig);</p> <p>(c) Erthyglau 23(3) a 24(3) (hawliau gweithwyr y ffin cyflogedig neu hunangyflogedig) mewn perthynas â'r hawliau sydd gan weithwyr.</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 14 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3</p>

	WAB.	a 4 o Atodlen 5 i WAB.
<p>Cymal 14(3) Peidio â gwahaniaethu, triniaeth gyfartal a hawliau gweithwyr etc. (cytundeb ar hawliau dinasyddion y Swistir)</p>	<p>Gall Gweinidogion Cymru drwy reoliadau wneud y cyfryw ddarpariaeth ag yr ystyriant sy'n briodol at y diben o weithredu unrhyw un o'r darpariaethau a ganlyn o'r cytundeb ar hawliau dinasyddion y Swistir—</p> <p>(a) Erthygl 7 (gwahardd gwahaniaethu ar sail cenedligrwydd);</p> <p>(b) Erthygl 18 (yr hawl i driniaeth gyfartal etc);</p> <p>(c) Erthygl 19 (hawliau personau cyflogedig neu hunangyflogedig etc.);</p> <p>(d) Erthygl 20(1) (hawliau gweithwyr y ffin);</p> <p>(e) Erthygl 23(1) (hawliau personau sy'n darparu gwasanaethau).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p> <p>Gweler hefyd gymal 16 ar gyfer darpariaeth atodol ynglŷn â rheoliadau o dan Ran 3 o WAB.</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu</p> <p>(b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan adran 14 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 3 a 4 o Atodlen 5 i WAB.</p>
<p>Pwerau Cymal 19 sy'n cyfateb i adran 18 mewn perthynas ag awdurdodau datganoledig</p> <p>Yn mewnosod Rhan 1B newydd yn Atodlen 2 i</p>	<p>Gall Gweinidogion Cymru drwy reoliadau wneud y cyfryw ddarpariaeth ag yr ystyriant sy'n briodol ar gyfer gweithredu Rhan 3 o'r cytundeb ymadael (darpariaethau gwahanu).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu,</p> <p>(a) deddfwriaeth</p>

<p>EUWA</p> <p>Darpariaeth paragraff 11G(1) mewn perthynas â materion gwahanu penodol eraill</p>	<p>ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p>	<p>sylfaenol, neu (b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau o dan Ran 1B o Atodlen 2 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 8D ac 8E o Ran 1A o Atodlen 7 i EUWA fel y'i mewnosodwyd gan baragraff 52 o Atodlen 6 i WAB.</p>
<p>Pwerau Cymal 19 sy'n cyfateb i adran 18 mewn perthynas ag awdurdodau datganoledig</p> <p>Yn mewnosod Rhan 1B newydd yn Atodlen 2 i EUWA</p> <p>Darpariaeth paragraff 11G(3) mewn perthynas â materion gwahanu penodol eraill (cytundeb</p>	<p>Gall Gweinidogion Cymru drwy reoliadau wneud y cyfryw ddarpariaeth ag y mae'r awdurdod datganoledig yn ystyried sy'n briodol ar gyfer gweithredu Rhan 3 o gytundeb gwahanu EEA EFTA (darpariaethau gwahanu).</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron.</p>	<p>Pan fydd Gweinidogion Cymru yn gwneud rheoliadau gan weithredu ar eu pennau eu hunain sy'n diwygio, diddymu neu ddirymu—</p> <p>(a) deddfwriaeth sylfaenol, neu (b) brif ddeddfwriaeth uniongyrchol yr UE a ddargedwir, maent yn destun y weithdrefn gadarnhaol.</p>

<p>gwahanu EEA EFTA)</p>		<p>Bydd unrhyw offeryn statudol arall sy'n cynnwys rheoliadau o dan Ran 1B o Atodlen 2 lle y mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 8D ac 8E o Ran 1A o Atodlen 7 i EUWA fel y'i mewnosodwyd gan baragraff 52 o Atodlen 6 i WAB.</p>
<p>Pwerau Cymal 22 sy'n cyfateb i adran 21 mewn perthynas ag awdurdodau datganoledig</p> <p>Yn mewnosod Rhan 1C newydd yn Atodlen 2 i EUWA</p> <p>Pŵer paragraff 11M mewn perthynas â'r Protocol ar Iwerddon/Gogledd Iwerddon</p>	<p>Gall Gweinidogion Cymru drwy reoliadau wneud y cyfryw ddarpariaeth ag yr ystyriant sy'n briodol ar gyfer gweithredu'r Protocol ar Iwerddon/Gogledd Iwerddon yn y cytundeb ymadael.</p> <p>Gall Gweinidogion Cymru weithredu ar eu pennau eu hunain os yw'r ddarpariaeth yn ymwneud â maes lle y mae cymhwysedd wedi ei ddatganoli, neu gallant weithredu ar y cyd â Gweinidog y Goron</p>	<p>Pan fydd Gweinidogion Cymru yn gweithredu ar eu pennau eu hunain i wneud rheoliadau sy'n gwneud yr hyn a ganlyn:</p> <p>(a) yn diwygio, diddymu neu ddirymu deddfwriaeth sylfaenol neu brif ddeddfwriaeth uniongyrchol yr UE a ddargedwir,</p> <p>(3) yn sefydlu awdurdod cyhoeddus,</p> <p>(c) yn ymwneud â ffi mewn perthynas â swyddogaeth sy'n arferadwy gan awdurdod cyhoeddus yn y Deyrnas Unedig,</p> <p>(d) yn creu, neu'n ehangu cwmpas,</p>

		<p>trosedd, (e) yn creu neu'n ddiwygio pŵer i ddeddfu, neu (f) yn hwyluso mynediad i'r farchnad ym Mhrydain Fawr i nwyddau cymwys o Ogledd Iwerddon, maent yn destun y weithdrefn gadarnhaol.</p> <p>Mae unrhyw offeryn statudol arall sy'n cynnwys rheoliadau a wneir o dan Ran 1C o Atodlen 2 lle mae Gweinidogion Cymru yn gweithredu ar eu pennau eu hunain yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 8F ac 8G o Ran 1A o Atodlen 7 i EUWA fel y'i mewnosodwyd gan baragraff 52 o Atodlen 6 i WAB.</p>
<p>Paragraff 1(4) o Atodlen 6 Darpariaeth ganlyniadol a throsiannol etc.</p>	<p>Mae paragraff 1 o Atodlen 6 i WAB yn darparu ar gyfer gohirio mawr mewn perthynas â dod ag OSau Ymadael â'r UE i rym o'r diwrnod ymadael tan ddiwedd y cyfnod gweithredu. Mae'r gohirio mawr hwn yn cynnwys OSau a wneir o dan ddarpariaethau penodedig EUWA, ac unrhyw 'ddeddfiad perthnasol' ac sy'n dod i rym gyda chyfeiriad at y diwrnod ymadael.</p>	<p>Pan wneir rheoliadau gan Weinidogion Cymru yn gweithredu ar eu pennau eu hunain cyn y diwrnod ymadael, ni chymhwysir unrhyw weithdrefn.</p> <p>Pan wneir rheoliadau gan Weinidogion Cymru yn gweithredu ar eu pennau eu</p>

	<p>Mae paragraff 1(4) yn darparu y gall Gweinidogion Cymru drwy reoliadau ragnodi bod deddfiad yn 'deddfiad perthnasol'. Caiff hyn yr effaith bod unrhyw OSau Ymadael â'r UE a wnaed o dan bwerau heblaw am EUWA yn cael eu cynnwys yn y gohiriad ac y byddant yn dod i rym gyda chyfeiriad at ddiwedd y cyfnod gweithredu.</p>	<p>hunain cyn y diwrnod ymadael, neu ar ôl y diwrnod hwnnw, maent yn destun y weithdrefn negyddol.</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 10 ac 11 o Atodlen 5 i WAB.</p>
<p>Paragraff 1(3) o Atodlen 6 Darpariaeth ganlyniadol a throsiannol etc.</p>	<p>Mae paragraff 1 o Atodlen 6 i WAB yn darparu ar gyfer gohirio mawr mewn perthynas â dod ag OSau Ymadael â'r UE i rym o'r diwrnod ymadael tan ddiwedd y cyfnod gweithredu. Mae'r gohirio mawr hwn yn cynnwys OSau a wneir o dan ddarpariaethau penodedig EUWA, ac unrhyw 'deddfiad perthnasol' ac sy'n dod i rym gyda chyfeiriad at y diwrnod ymadael.</p> <p>Mae paragraff 1(3) o Atodlen 6 yn darparu y gall Gweinidogion Cymru ragnodi bod deddfiad yn deddfiad perthnasol.</p>	<p>Pan wneir rheoliadau gan Weinidogion Cymru yn gweithredu ar eu pennau eu hunain cyn y diwrnod ymadael, ni chymhwysir unrhyw weithdrefn.</p> <p>Pan wneir rheoliadau gan Weinidogion Cymru yn gweithredu ar eu pennau eu hunain cyn y diwrnod ymadael, neu ar ôl y diwrnod hwnnw, maent yn destun y weithdrefn negyddol</p> <p>Mae'r un egwyddor yn gymwys i reoliadau a wneir gan weithredu ar y cyd â Gweinidog y Goron.</p> <p>Gweler paragraffau 9 a 10 o Atodlen 5 i WAB.</p>
<p>Paragraff 4(2) o Atodlen 6 deddfwriaeth baratoadol ddatganoledig o</p>	<p>Mae paragraff 4(1) o Atodlen 6 yn darparu y dylid darllen unrhyw ddarpariaeth o deddfwriaeth sylfaenol a wneir cyn y diwrnod ymadael</p>	<p>Mae offeryn statudol sy'n cynnwys rheoliadau a wneir gan Weinidogion Cymru o dan</p>

<p>fath a grybwyllwyd ym mharagraff 41(3) i (5) o Atodlen 8 i EUWA</p>	<p>drwy rinwedd is-baragraffau (3) i (5) o baragraff 41 o Atodlen 8 i EUWA, ac y disgwylir iddi ddod i rym drwy gyfeiriad at y diwrnod ymadael, fel pe bai yn dod i rym ar ddiwedd y cyfnod gweithredu.</p> <p>Mae paragraff 4(2) yn darparu y gall Gweinidogion Cymru drwy reoliadau</p> <p>(a) ddarparu fel na chymhwysir is-baragraff (1) i unrhyw raddau mewn achosion penodol neu ddisgrifiadau o achos;</p> <p>(b) gwneud gwahanol ddarpariaeth mewn achosion penodol neu ddisgrifiadau o achos i'r rheini a wneir gan is-baragraff (1), neu</p> <p>(c) wneud y cyfryw ddarpariaeth ag yr ystyria Gweinidogion Cymru sy'n briodol o ganlyniad i is-baragraff (1) (gan gynnwys darpariaeth sy'n ailddatgan effaith yr is-baragraff hwnnw).</p>	<p>baragraff 4(2) o Atodlen 6 ar y diwrnod ymadael, neu ar ôl y diwrnod hwnnw, yn destun y weithdrefn negyddol.</p> <p>Pan wneir rheoliadau cyn y diwrnod ymadael, nid ydynt yn destun unrhyw weithdrefn.</p> <p>Gweler paragraff 11 o Atodlen 5 i WAB.</p>
--	---	---